



10 Oktober 2012

Dua kastam dihukum mati

Kedua-dua mereka dituduh mengikut Seksyen 39B(1) Akta Dadah Berbahaya 1952.

Watak Ravi wujud dalam keterangan pembelaan

Mohd Zaki ketika membacakan penghakimannya mengenal pasti satu watak dikenali sebagai Ravi dalam keterangan pihak pembelaan sebagai wujud, tetapi mempunyai peranan berlainan daripada yang didakwa.

Beliau berkata, pihak pembelaan dalam keterangannya mendakwa sebuah kotak berisi dadah di dalam kereta milik tertuduh pertama, dibawa oleh Ravi yang turut berada di dalam kereta berkenaan ketika kejadian.

Berdasarkan keterangan, katanya kedua-dua tertuduh mendakwa tidak tahu kandungan kotak berkenaan yang ketika itu sedang dibawa ke satu lokasi untuk diserahkan kepada seseorang.

Bagaimanapun sebelum sampai ke lokasi dimaksudkan Ravi turun dari kenderaan dan meninggalkan kotak dibawanya di dalam kereta terbabit.

Peranan sesuatu yang diada-adakan

“Saya dapati walaupun watak ini (Ravi) wujud, berdasarkan keterangan pihak pembelaan dan pendakwaan saya juga dapati peranan dimainkan oleh Ravi ini adalah sesuatu yang diada-adakan.

“Berikutan itu mahkamah mendapati kedua-dua tertuduh disabitkan kesalahan dan dijatuhi hukuman gantung sampai mati,” katanya.

Pihak pendakwaan diwakili Timbalan Pendakwaraya, Azhar Mokhtar, manakala pihak pembelaan diwakili Peguam, Y Anbananthan.